

國語翼解

國語翼解卷五

嘉定陳瑒撰

晉語

戰以鐸于丁寧 解鐸于形如碓頭與鼓角相和丁寧者謂鉦也唐尙書云鐸于鐸也非也鐸與鐸于各異物

周官鼓人以金鐸和鼓鄭注鐸于也圓如碓頭大上小下樂作鳴之與鼓相和又樂書云自金聲之淳言之謂之鐸後周平蜀獲其器太常卿斛斯證曰鐸于也以芒筒捋之其聲極振取以和樂金鐸節鼓亦見周禮注云鉦也形如小鐘軍行鳴之以爲鼓節說文鉦饒類也似鈴柄中上下通玉篇鉦以靜之一曰鐸也則鉦鐸自是一物唐云鐸于鐸也或本云丁

寧獨也而記憶偶誤也丁寧本爲鉦之發聲左宣四年傳云
著于丁寧杜注亦云鉦也常以丁寧爲鉦獨自不得更以鐸
于爲獨矣

爲慙事也 解慙其無備

案慙同暫見列子可慙行於一國注慙乍聲相近孟子今人
乍見孺子趙岐訓乍爲慙左定八年傳桓子乍謂林楚杜注
乍暫也唐石經作乍慙事者乍事也乍本訓忽訓猝訓甫故韋云
無備

有秦客廋辭于朝 解廋隱也謂以隱伏譎詭之言問于朝也
方言廋隱也注謂隱匿也譎詭同訓欺訓詐字本雙聲詞賦
家往往假借其字張衡東京賦云瑰異譎詭

余病喙 解喙短氣貌

案喙同療廣韻療困極地詩云昆夷療矣本亦作喙

詩本混夷凱矣

維其喙矣

傳喙困也 方言療極也注江東呼極爲療倦聲之轉也困極

則短氣韋解爲喙字引申之義

則恐國人之屬耳目于我也 解屬猶注也

士昏禮酌玄酒三屬于尊注屬注也屬注亦一聲之轉

敢歸諸下執政 解歸饋也

案歸饋古通用論語詠而歸齊人歸女樂鄭康成本俱作饋

苗夢皇

內傳作苗賁皇案古韻音賁讀重脣易賁卦詩鶉之奔奔經

典虎賁今亦讀重脣禮射義賁軍之將注讀爲饋覆敗也詩

行葦傳引作奔軍之將是賁債之今讀輕脣者古皆讀重脣也錢詹事曰古从分之字亦多讀重脣莊子逍遙游汾水之陽司馬彪崔譔本皆作盆水周禮司几筵設莞筵紛純鄭司農云紛讀爲幽今苗芴皇之芴从分得聲當讀重脣以與賁同聲通用內傳作賁亦當讀重脣也

以傳召伯宗 解傳驛也

說文傳遽也遽傳也玉藻云士曰傳遽之臣鄭注驛傳車所以供急遽之令士賤給役故自稱如此又古者車以駕馬乘詣京師謂之傳車後又置驛騎用單馬乘之凡置傳驛傳乘傳輶傳皆單馬也案古者軍中亦有傳車左莊九年傳公喪戎路傳乘而歸卽傳車也杜注傳乘乘他車失之特傳車在軍亦謂之駟文

十六年傳楚子乘駟會師于臨品是也說文駟驛傳也玉篇

駟傳也爾雅釋言駟遽傳也注皆傳車駟馬之名以車曰傳

以馬曰駟愚謂古無單騎則傳車之馬爲駟也

告于鄭昭二年傳
云乘遽而至義同
左氏僖三十三年傳云使

不如捷而行 解旁出爲捷

內傳注曰捷邪行義與旁出同案捷邪一聲之轉

在列者獻詩使勿兜 解兜惑也

古文尙書驩兜之兜作𡗗說文𡗗譌𡗗多言也从口从投省

聲玉篇𡗗𡗗𡗗也廣韻𡗗輕出言也韋以兜爲惑者蓋多言

則惑矣義亦相因是兜爲𡗗之假借

風聽臚言于市 解臚傳也采聽商旅所傳善惡之言

漢書敘傳大夫臚岱注鄭氏曰臚岱季氏旅于泰山是也師
古曰旅陳也臚亦陳也臚旅聲相近其義一耳則此經臚言
卽旅言也謂商旅之言也
旅之古文爲旅說文以爲卽
曾衛之魯是魯虛亦同聲也
史記
叔孫通傳云臚句傳注上傳語及下爲臚解云商旅所傳之
言義益顯

卻至以秣韋之附注 解三君云一染曰秣鄭後司農說以爲
秣茅蒐染也秣聲也昭謂茅蒐今絳草也急疾呼茅蒐成秣也
凡染一入爲縹附注兵服自要以下注于附

說文秣茅蒐染韋也一入曰秣詩秣給傳玉篇俱云茅蒐染
草也韋曰茅蒐今絳草者瑑案左思吳都賦注絳草出臨賀
郡可以染又釋名絳工也染之難得色以得色爲工也乃知

茅蒐染色難以得色一入僅曰𦵏必有加于一入可曰絳證
以韋解及釋文而說文之義益明三君云一染曰𦵏意亦不
誤特不以染草爲義而止曰一染則與爾雅一染謂之縹無
別縹爲淺絳𦵏則初猶茅蒐之色必再入三入則漸絳矣賈
公曰三入爲縹急就
編注絳古謂之縹其云急疾呼茅蒐成𦵏者古人文字多
長言短言疾言徐言之例以物言之說文薺疾黎也詩曰牆
有薺今作茨傳云疾黎是茨薺一也蓋長言之爲疾黎短言
之爲茨耳正與茅蒐一例韋說得之鄭君玉藻注終薺爲椎亦其例特齊人語耳
跗注杜預左傳亦云戎服若袴而屬于跗跗足上也見士喪
記屨綦結于跗注

考訊其阜以出 解阜眾也

案阜訓高厚訓長訓大皆與眾義相近周官曰阜成兆民言大成兆民之性命此經當據此爲義

稱晉之德 解稱副也

漢書孔光傳無以報稱注稱副也

獲王子發鉤 解發鉤楚公子莠

璩疑莠爲其名鉤爲其字王尙書謂宋樂莠之莠卽旌旆之旆聲義皆通左定四年傳績莠旆旌是也莠爲旌旆鉤爲鉤兵皆戎軍之器故疑其名字相應也發卽莠之出聲又春秋多先字後名如梁餘子養苑羊牧之之類則莠爲字鉤爲名疑未敢定

隱鯁而避疆 解鯁害也

案鯁古通作梗後漢段熲傳至今爲鯁詩大雅从木作至今爲梗傳云病也周禮天官大司馬以時招梗禴禴以除時疾亦以疾梗爲義疾卽言也曰非疾痛害事也

乃奔狄三月厲公弑 解魯成十七年十二月長魚矯奔狄閏月樂中行殺胥童

案春秋內傳成十七年于十二月後書閏月乙卯晦樂書中行偃殺胥童則于十二月置閏以三統推之是年入統積年一千有六十九積月一萬三千二百二十一閏餘十六以四分推之是年元餘一千有五十積月一萬二千九百八十六閏餘十六俱當閏五月春秋麻術不正杜元凱據以作長麻非也

殺老牛莫之敢尸 解尸主也

爾雅釋詁尸主也郭注引左傳爲義

左傳與此同文

書序康王既尸

天子穀梁隱五年傳云卑不尸大功左氏宣十二年傳云旒子尸之襄二十七年傳云非歸其尸盟也皆言主也學記當其爲尸鄭注尸主也爲祭主也

育門子 解育長也

說文育養子使作善也虞書曰教育子今書作胄釋文云馬曰胄長子案爾雅釋詁育長也馬以長爲義是馬亦本作育也今此經曰育門子解曰育長也正可爲教胄子當作教子之證

使張老延君譽于四方 解延陳也

爾雅釋詁延陳也邢昺曰鋪陳也

歌鐘二聲 解歌鐘歌時通奏肆列也

及寶鐃 解鐃小鐘也

案歌鐘卽周禮磬師所掌之編鐘蓋小鐘而編次成列者鐃亦爲小鐘則韋于周語解已云鐘大鐘也鐃小鐘也大小對文而攸人輒據周禮儀禮鄭注鐃如鐘而大之說疑韋與鄭不合小知鄭以鐃爲大者大于編鐘也韋以鐃爲小者小于大鐘也集古錄云古樂鐘皆側縣與今異惟編鐘更小于鐃故可以側縣而編次成列惟鐃小于大鐘而尙大于編鐘故特爲一器而不聞有編鐃大小之說鐘自爲鐘鐃自爲鐃編自爲編韋與鄭竝無不合也

輅車十五乘 解輅廣車輓車也十五各十五也傳曰廣車輓車涪十五凡兵車百乘涪偶也

周禮車僕廣車之萃注兵車也說文輓兵車也案左宣十二年傳廣有一卒服虔曰左右廣各十五乘又宣二年傳分爲二廣杜亦曰十五乘爲一廣是鄭以輅納晉國其十五乘爲一列故內傳謂之廣車耳又以十五乘爲一列又謂之爲輓車則輓車廣車同爲兵車無異制有異名耳故曰涪偶也杜五曰廣與輓亦十五爲偶耳周禮壹其涪制涪讀爲準與純通純義爲偶鄉射禮二算爲純投壺二算合爲一全皆偶字之義也

亂兵不輟 解輟止也

廣韻輟已也玉篇已止也論語寢而不輟鄭注輟止也

是遂威而達權 解遂申也

廣韻遂達也玉篇達通也皆與聲義相近

知國倫數而遣之 解倫理也

攷工記析幹必倫鄭注謂順其理也又曲禮倨人必于其倫
注類也案倫理類皆聲相轉

厚箴戒圖以待之 解箴猶敕也

案箴本以規戒爲義敕亦以誠敕爲義故箴亦訓敕錢詹事
曰左傳箴事之箴杜注謂敕成前好箴敕聲相近說文無箴
字當卽箴字

在周爲唐杜氏

廣韻杜姓本帝堯劉累之後出京兆濮陽襄陽三里上文在
夏爲御龍氏解據傳曰其後曰劉累學擾龍于豢龍氏

問于伯華 解伯華羊舌赤

赤爲盛陽之色盛色謂之華故赤之字爲華公西赤字子華
亦其義也

懼子之應且增

增當爲懼

內傳云實應且懼周語亦有應且懼文惠徵士所謂是當時
有此語也

平公射鵒 解鵒屬小鳥

爾雅釋鳥屬鵒蓋謂鴈一名鵒耳鵒又作鵒亦謂之鵒鵒左
傳疏引 豳達服虔說謂鵒鵒以聲音爲名也

撫而泣之 解撫肘之也

撫肘同聲同義說文拊搯也搯摩也撫安也一曰循也方言拊撫疾也

攀輦卽利而舍 解言人引車就水草便利之地而舍之

周禮秋官仲夏敎芟舍注云讀如萊沛之沛芟舍草止之也甲有草止之法甘棠召伯所芟傳云草舍也說文芟爲度之作度假借此經所云舍者蓋卽芟舍也

候遮扞衛不行 解晝則候遮夜則扞衛謂羅闔狗附也

說文引孔子曰狗叩也叩氣吠以守故軍中以狗附爲扞衛取其守也

置蒺藜 解置立也蒺藜謂束蒺而立之所以縮酒

論語植其杖而芸漢石經作置商頌置我鞀鼓鄭箋置讀曰
植立也金縢植璧秉圭鄭注植古置字說文植或作權是置
權通也左襄三十一年傳其君弱植正義云不樹立也周禮
醢人茆菹鄭讀作茅楚地產茅禹貢荊州包匭菁茅左宣十
二年傳前茅慮無注時楚以茅爲旌識又僖四年傳爾貢包
茅不入注謂束草而灌酒也菹本音撮師古漢書注云菹菹
古通茆菹者撮取束茆而立之以縮酒也

斷其椽而斲之加密石焉 解斲磨也密細密文理石謂砥也

說文斲謂砥也禹貢陂砥磐丹注云砥細于砥

又李善注故
乘諫吳王書

引賈逵國語注云斲磨也
古通龍楚公孫龍字子石

趙文子與叔向遊于九原 解原當作京也京晉墓地

檀弓趙文子與叔譽觀于九原

叔譽當爲叔譽與向通錢詹事曰譽爲譽之譌字

又

趙文子曰是全要領以從先大夫于九京也注九京山名在今絳州晉大夫葬地在九京京卽原字又後漢銚期傳破更始將軍京東東觀漢記云京作原古通用瑒案原京聲相轉今忼日而漱歲 解忼愉也漱遲也

說文忼貪也春秋傳曰忼歲而漱日翫習厭也春秋傳曰翫歲而揭日兩稱春秋傳一爲外傳一爲內傳內傳見左氏昭元年傳外傳卽此經日歲互易內傳杜注翫揭貪也易繫辭所樂而玩者馬注左昭二十六年傳玩求無度服虔注俱云玩貪也忼翫玩皆通又韋氏周語注玩贖也瑒案貪愉爲聲相近貪贖則義相成漱說文欲飲也蓋从欠渴聲卽飢渴又

渴渴說文盡也蓋卽渴字

本有急義公羊隱三年傳不及時而曰渴葬也何休曰渴喻急也此云遲者相反爲訓也又渴亦訓貪同

惕憊俱通

拱木不生危

解拱木大木也

左僖三十二年傳爾墓之木拱矣注合手曰拱郭璞爾雅注亦云兩手合持曰拱孟子曰拱把之桐梓故曰大木蓋拱木亦古有是言也

松柏不生埤

解埤下濕也

司馬相如子虛賦云其埤濕則生藏蓂蒨葭

韋藩不槌以過于朝 解韋藩蔽前後

周禮巾車漆車藩蔽紆旗注謂漆車黑車藩則漆席以爲之

但此則王之車耳若庶人乘役車則棧車以下攷工記繕車欲弇注爲其爲革鞅不堅易圯壞也故僅以熟皮蔽前後如黑車耳

假貸居賄 解居蓄也

皋陶謨懋遷有無化居注化易也謂交易其所居積也漢書食貨志富商轉穀百數廢居居邑徐廣曰廢居貯蓄之名有所廢有所蓄言乘時射利也

委質而策死 解言委贄于君

案質以物相贄之質本讀陟利切左傳曰周鄭交質故昭三年傳將奉質幣以無失時孟子不傳質爲臣質幣之質皆作質然贄爲俗字摯爲正字錢詹事曰儀禮士冠士昏二篇皆

國語翼解卷五

用摯字獨土相見篇皆作贊蓋張滄所改唐石經本作摯蓋合摯質兩字而譌从執从貝也

獻子曰不爲具敖乎對曰先君獻武之諱也 解獻伯禽之曾孫微公之子獻公具武獻公之庶子武公敖

左桓六年傳云先君獻武廢二山案魯世家魯公伯禽推卽

位四十六年子考公就立考公卽位四年及煬公熙立兄弟

相及非子煬公卽位六十年子幽公宰立幽公卽位十四年

繼父也及微公蒞立微公卽位五十年子厲公翟立厲公卽位三十

七年及獻公具立是獻爲伯禽之曾孫也獻公卽位五十年

子慎公執立執立卽位二十年及武公敖立是武公爲獻公

之庶子嫡子則慎公也

執而紉于庭之槐 解紉懸也

聘禮賄用吏紉注紡紡絲爲之今之縛也

閭沒謂叔寬曰 解閭沒閭明

王尙書曰沒昧一聲之轉而義同春秋襄二十四年左傳何
沒沒也沒沒猶昧昧也周語冒沒輕僂冒沒猶冒昧也韋解
訓沒爲入義稍疏矣

耆其股肱 解耆致也

周頌耆定爾功傳耆致也左宣十二年傳耆昧也注耆致也
致討于昧皆讀爲軫視切又曲禮六十曰耆正義耆至也至
老之境也

郵無正進 解無正晉大夫郵良伯樂也

案內傳作郵無恤恤本訓賑周禮任恤注恤振憂貧者正卽振之同聲假借故郵無恤又作郵無正疑未敢定其云郵良伯樂者則王尙書謂春秋時自有一人而兩字者如鄭罕達字子姚一字子賸其證也爾雅釋詁恤憂也無恤斯樂也良樂一聲之轉而其義相近良之爲樂猶梁之爲樂也淮南要略篇康梁沈湎高誘注云康梁耽樂也

少疊于難 解疊猶離也

案離讀爲儷偶之儷疊應作疊讀爲睂古音微與文通疊有門音故轉爲睂其音若門若睂卽其義亦爲門若睂皆物之偶儷者也故曰猶離也

可以鑑而鳩趙宗乎 解鳩安也

左隱八年傳君釋三國之圖以鳩其民注鳩集也襄十六年傳敢使魯無鳩乎注鳩安也案安集義同

吾伏𦍋𦍋血 解面汗血曰𦍋血

𦍋乞格切與喀同音喀嘔也唐書諸子建成傳王暴疾𦍋血數升與面汗義別疑趙簡子𦍋血而汗于面

吾兩鞞將絕 解鞞鞞也

內傳作兩鞞說文鞞車駕具也鞞引軸也詩秦風陰鞞鋈續所以引也疏曰左傳注在胷曰鞞然則此皮約馬胷而引車軸也

駕而乘材 解乘轆也

乘本有陵義故以轆訓乘言較轆也說文轆車所踐也

以諄趙鞅之故 解諄佐也

玉篇諄佐也案諄佐聲亦相近

志父寄也 解寄寄請也

史記酷吏傳請寄無所聽注請寄猶囑託也

請與之戲 解戲角力也

案內傳城濮之戰子玉使謂晉曰請與君之士戲語意正與

此同惠徵士補注據朱國楨曰戲者兵也

豫案說文戲三軍之偏也一日兵也

三軍之號所云戲下是也若云以兵見云耳解石謂得臣輕

用民命便解作戲弄之戲夫得臣亦英雄豈有以失杜征南

獨不下一字已得其解矣惠氏之說得之然據此經韋氏角

力之說義更明

雀入于海爲蛤雉入于淮爲蜃 解小曰蛤大曰蜃

月令注大蛤曰蜃則蛤蜃爲一物以大小異名耳狂昉述異記黃雀秋化爲蛤春復爲黃雀雀五百年化爲蜃蛤是雀亦化爲蜃也特僅見耳雉則一入大水卽化故月令紀之

宗廟之犧 解純色爲犧

盤庚犧醴曲禮犧牛閔宮駢犧注傳俱云純色曰犧

德不純 解純壹也

酒誥純其藝黍稷傳爲純一之行一壹同

非德不當雍 解當猶任也

玉篇當任也左僖十五年傳重怒難任注任當也

宵也假 解假假戾不從人也

俱當作很見前周語解閱俱也此云不從人蓋本說文不聽从也之訓

高山峻原 解峻峭也原陸也

史記酷吏傳吏務爲嚴峻注峻峭也爾雅釋地廣平曰原高平曰陸邵學士據經傳諸說謂原陸皆高而廣平者此則原陸之高而峻峭者故以陸訓原原陸一也

蝻蟻蜂虻皆能害人

廣韻蝻以芮切音奴毒蟲名玉篇蝻含毒蛇也蝻有別出蚊蝻之外者亦名蝻故能害人

浚民之膏澤以實之 解浚煎也讀若醢

方言煎盡也爾雅水醢曰屠邢疏盡也釋文醢或作漹廣韻

樵醯也廣韻醯音醯醯飲酒盡也醯樵醯皆同聲同義煎與
盡亦聲相近浚煎亦雙聲則浚醯亦聲之相轉故讀若醯而
以同義之字訓之錢詹事曰說文讀若之字有取轉音者此
亦以轉音爲讀也

鄭語

主芡醯而食溲洿 解芡醯山名

後漢郡國志河南尹密縣有大醯山山海經大醯之山其陰
多鐵多美璽蓋卽芡醯也案醯或音愧或音龜與芡聲近疑
山以雙聲名

以淳耀敦大天明地德 解淳大也耀明也

說文煇明也春秋傳曰煇耀天地今三傳無此文先大夫曰

當是鄭語滄耀敦大天明地德文而許以己意爲詞也王特
御曰廣雅焯與說文同訓滄則焯之假借也瑑案班固幽通
賦黎滄耀于高辛兮亦假焯作滄耀蓋本鄭語也

夏禹能單平水土 解單盡也

小雅俾爾單厚箋單盡也郊特性惟爲社事單出里注亦云
盡也

周棄能播殖百穀蔬以衣食民人者也 解百穀黍稷稻粱麻
麥荏菹雕胡之屬蔬草菜之屬可食者

說文穀續也百穀之總名周禮太宰三農生九穀注鄭司農
云九穀黍稷稻麻大小豆大小麥一說無秫大麥而有粱菰
又膳夫食用六穀注黍稷粱麥苽稌又疾醫五穀養其病注

麻黍稷麥豆是九穀六穀五穀說本不一此解列舉九者似

指九穀言與鄭說不同段成式酉陽雜俎九穀黍稷稻粱三豆二麥說文蔬菜也

爾雅郭注凡草菜可食者通名為蔬解草菜之草蓋草之誤

草解菜名又有草茹皆不可食

以生柔嘉材者也

案草生新生曰柔見小雅檉亦柔止傳

而近頑童窮固 解頑童童昏

童蒙疊韻其義相近童蒙之言童矇也說文矇童矇也一日不明也易蒙卦彖辭釋文引廣雅云童癡也鄭風狂童之狂也且毛傳云狂行童昏所化也晉語僮昏不可使謀僮童古字通

正七體以役心

解役營也七體七竅也

案役營聲近爲義周官疾醫兩之以九竅之變注云陽竅七陰竅二正義曰七者在頭露見故爲陽

平八索以成人

解八索八體以應八卦

內傳云八索九邱書序以爲八卦之說謂之八索也又釋名索素也八索著素王之法也則八卦之說以著于竹素故云八索

建九紀以立純德

解九紀九藏也正藏五又有胃膀胱腸膽

也

九藏亦見周禮疾醫注云正藏五與胃膀胱大小腸案說文膽連肝之府也肝在正藏五故周禮注不及膽然大小腸自

是一類則韋義并大小腸而列膽爲長

計億事材兆物收經入行姦極 解賈虞說皆以萬萬爲億鄭後司農云十萬曰億萬億曰兆從古數也姦備也

案徐岳術數記遺曰黃帝爲法數有十等及其用也乃有三焉謂上中下也其下數者十十變之若言十萬曰億十億曰兆十兆曰京也中數者萬萬變之若言萬萬曰億億億曰兆兆兆曰京也上數者數窮則變若言萬萬曰億億億曰兆兆兆曰京也甄鸞注案詩云胡取禾三百億今毛注曰萬萬曰億此卽中數也鄭注云十萬曰億此卽下數也徐援受記云億億曰兆兆兆曰京也此卽上數也鄭注以數爲多故合而言之今賈虞從中數與毛公同鄭從下數與箋詩同韋所據卽箋詩

之說從古數者從古數之下數也𡗗備者王尙書云凡字从亥者皆有𡗗備多大之意說文𡗗奇非常也𡗗兼𡗗也小爾雅該備也廣雅𡗗多也廣韻𡗗盛也並聲近而義同胡韋云數極于𡗗也下文九𡗗之田解田九𡗗九州之極數𡗗與𡗗一也

而講以多物 解講猶校也

案講校同位之雙聲也

王將棄是類也而與剽同

案剽卽專一之專漢書蕭何上以此剽屬任何關中事師古曰剽與專同荀子榮辱篇信而不見敬者好剽行亦以剽爲專

侏儒臧施 解侏儒臧施皆優笑之人

古樂人名伶侏臧施古文作𪛗𪛗見前詩得此臧施筆臧施面柔下人以色故不能仰也

𪛗弧箕服 解山桑曰𪛗

說文𪛗山桑有點文者爾雅𪛗桑郭注材中作弓攷工記弓人取幹之道析爲上𪛗桑又次之

化爲𪛗𪛗 解𪛗或爲𪛗𪛗蜚蜚象龍

說文𪛗榮𪛗蛇醫以注鳴者方言守宮秦晉西夏謂之守宮或謂之蜥易南楚謂之蛇醫或謂之蝮蝮是蝮卽𪛗也漢書東方朔傳云臣以爲龍又無角謂之爲蛇又有足跂跂脈脈善緣壁是非守宮卽蜥易又說文曰在壁曰蝮蛭在草曰蜥

易蓋虬與蜥易本爲一物因所在而異名耳

未既齟而遭之 解毀齒曰齟未盡齟毀未畢也女七歲而毀

齒

史記周本紀熬水爲黿入王後宮後宮之童妾既齟而遭之
說文齟毀齒也男八月生齒八歲而齟女七月生齒七歲而
齟

毒之酋腊者 解精熟爲酋腊極也

廣雅釋詁酋熟也方言自河以北趙魏之間火熟曰爛氣熟
曰糟久熟曰酋穀熟曰醕熟其通語也月令乃命大酋鄭注
酒熟曰酋高誘呂氏春秋仲冬紀注云醕釀米麴使之化熟
故謂之酋腊腊與昔通周官酒正昔酒鄭注昔酒今之酋久

白酒郊特牲舊澤之酒注爲其味厚腊毒也釋文腊音昔隱義云腊久也久酒有毒漢書五行志味厚者腊毒注腊久也是酉腊皆以毒久爲義又周語厚味實腊毒彼注云腊亟也此云極者極猶亟也亟久亦以相反爲義亟久極聲俱相近其隩愛太子 解隩隱也

莊子天下篇弱于德强于物其塗隩矣史記封禪書自古以雍州積神明之隩注皆曰隱也隩隱亦聲之相轉

不三稔矣 解稔年也

說文稔穀熟也左襄二十七年傳不及五稔注稔年也熟也穀一熟爲一年

楚語

而爲之譽善而抑惡焉 解譽獎也抑貶也

方言自關而西秦晉之間相勸曰譽左襄十一年傳獎王室
無間茲命注獎助也助與勸義相近後漢蔡邕傳人自抑損
以塞咎戒注損也退也與貶義相近

教之世而爲之昭明德而廢幽昏焉 解世謂先王之世繫也
昭顯也幽闇也昏亂也爲之陳有明德者世顯而闇亂者世廢
也

周官小史實繫世注父子相繼爲世世所自出爲繫蓋定之
則知本原之所自此以昏明爲言蓋教之以知其世祚之短
長也下云教之訓典解訓典五帝之書案周官外史掌三皇
五帝之書則教之世卽小史所實之繫世教之訓典卽外史

所掌之書皆世臣之職也

倭而不攝 解攝固也

魯語使長監于世故能攝固不解以久莊子肱篋篇攝滅滕固肩錡

名則赦 解赦懼也

方言赦愧也秦晉之間凡愧而見上謂之赦又吳質答東阿王書赧然汗下亦愧懼之義音厥

爲靈若厲 解亂而不損曰靈殺戮不辜曰厲

案解語本周書諡法解孔晁注云不能以治損亂賊良善人可不謂恭乎 解既過能改曰恭

解亦本周書諡法解注曰言自知也

舊注訛作言有智也

及祥

禮聞傳父母之喪期而小祥又期而大祥正義曰二十五月子尚良食 解尚猶彊也

尙彊疊韻爲義言勉彊也今以勉彊與屈彊分爲上去兩音古音則均爲巨兩切

使不規東夏 解規猶有也

說文規有法度也規爲正圓之器以正圓則圓有法度矣遂以爲凡有之義

任中軍王族而已 解唐云族親族同姓也昭謂族部屬也傳口樂范以其族夾公行

惠徵士曰韋說是也劉光伯曰族者屬也非謂公族之兵

筵必歆之 解歆猶食也

說文歆神食氣也

緬然引領南望 解緬猶邈也

穀梁莊三年傳改葬之禮總舉下緬也注緬藐遠也案綿與緬同聲釋名緬猶洒洒柔而無文也綿邈緬邈皆雙聲文賦面綿邈于尺素

子本愀然 解愀愁貌

案愀愁同是从心秋聲之字然韻書分爲兩音一列平聲十八九愁憂也一列上聲三十小愀容色變也經傳亦屢言愀然禮哀公問愀然作色列子仲尼篇愀然有閒楊子法言愀如也注愀然謹也愁字見禮鄉飲酒義秋之言愁也注愁讀

國語翼解卷五

爲擎此云愁貌者蓋韻書未出以前揪愁擎一也亦無清濁輕重之分也

使富都那豎贊焉 解都閑也那美也

漢書司馬相如傳車從雍容閒雅甚都又上林賦妖冶嫺都都亦美也鄭風洵美且都那豎猶都豎也

而使長鬣之士相也 解長鬣美鬣髮也

說文儼長壯儼儼也春秋傳曰長儼者相之今左氏昭七年傳作儼與此經同杜注鬣也瑑案說文鼠毛鼠也儼髮

也儼與儼同爲曼字音同而義微異蓋取長壯者相以儼一猛若云長鬣亦何取乎爾故惠徵士引其曾祖樸菴先生言曰訓儼爲鬣杜氏之臆說也陳司馬曰杜訓儼爲鬣

說似本韋昭楚語注瑑又案經師傳授不同許所見本人人
作儼韋所見本从彡作鬣且美鬣髯之訓似亦本說文義與
鬣一也非望文生義也

陳司馬名樹華吳郡人著
有春秋經傳杜解補正

縮于財用則匱 解縮言取也

說文縮亂也一曰蹴也爾雅釋詁縮亂也郭注亂法也此云
言取者蓋謂亂取諸財用也故不直取曰言取

邇者騷離 解騷愁也

玉篇騷愁也案屈原以憂愁偃蹇而託爲歌詞曰離騷

使民蒿焉 解蒿耗也

案此亦以疊韻爲訓也蒿耗同音語言有清濁耳耗義爲虛
爲敗爲滅

故先王之爲臺榭也 解積土爲臺無室曰榭

爾雅釋宮閭謂之臺郭注積土四方釋名臺持也築土堅高能自勝持也月令仲夏可以登臺榭正義積土爲之所以觀望積土爲臺謂門臺也禮器天子諸侯臺門鄭注閭者謂之臺詩釋文引孫炎云閭積土如水渚可以望氣祥也是城臺爲閭以其在城門宮門故云積土若苑圃之臺則非積土爾雅又云四方而高曰臺是也呂氏春秋高誘注云積土四方而高曰臺亦言城臺門臺臺加木爲榭是臺上架木爲屋也爾雅又云無室曰榭禮記疏云李巡云但有大殿無室名曰榭書疏引孫炎亦云榭但有堂也左宣十六年傳云成周宣榭火杜注宣榭講武屋爾雅曰無室曰榭謂屋歇前孔疏云

屋歇者無壁也如今廳事也

靈王城陳蔡不羹

左氏傳釋文云羹音郎正義曰古者羹臠之字亦爲郎故魯頌楚辭急就章與楊芳漿爲韻近世獨以爲地名宋玉招魂肥牛之臠臠若芳和酸若苦陳吳羹

至于手拇毛脈 解拇大指也

說文拇將指也爾雅將大也易咸其拇莊子駢拇枝指則以拇爲足大指

大能掉小 解掉作也

史記孟嘗君傳過市朝者掉臂而不顧漢書崩通傳酈生一士伏軾掉三寸舌皆謂作也

處暑之既至 解處暑在七月節

淮南天文訓立秋加十五日斗指甲則處暑音比姑洗漢書天文志鶉尾中翼十五度處暑孟康曰于夏爲七月商爲八月周爲九月

蚤蟹之既多 解大曰蚤小曰蟹

說文蟲齧人飛蟲也廣雅蠹能蝨也蟹蚌也王侍御據此經及解以爲義而申之曰上文蠹能王篇蠹小蟹也蟹似蠹而小已舉小蠹之名則此蟹非復蠹蟲矣

左史倚相廷見申公子亶 解子亶楚申公史老也

王尙書曰亶當爲亶从𠂔省从且文聲隸變作亶今作亶亶有門音故轉爲眉音卽借其義以爲眉壽之眉楚史老字子

齎是也唐宋以來不達六書諧聲之例說文偶缺齎字而張參遂謂不合六書徐鉉又以媿字當之

于是作懿戒以自儆也 解昭謂懿詩大雅抑之篇也懿讀之曰抑

懿抑雙聲聲同故義亦同齊風抑若揚兮美目揚兮揚是顧之別名抑爲揚之貌言美之盛也

謂之睿聖武公 解諡法曰威彊睿德曰武

諡法者周書諡法解也孔晁曰思有德者睿也

至于日中吳

廣雅釋言吳跌也說文吳日西也廼日在西方時側也周官司市注云日廼跌中也史記天官書食至日跌爲稷漢書天

文志作跌

巴浦之犀犛兕象其可盡乎其又以規爲璫也 解犛犛牛也

規諫也璫所以塞耳

說文犛長髦牛也玉篇獸如牛而尾長名曰犛說文璫以玉
充耳也詩鄘風玉之璫也傳璫塞耳也衛風充耳璫瑩傳云
充耳謂之璫天子玉璫諸侯以石是璫本以玉石爲之而更
取諸牙角之類獸又禮檀弓紉角璫注小祥後以角爲之是
古自有牙角之璫也

屏攝之位 解昭謂屏屏風也攝形如今要扇

周官司几筵王位設黼依依前南鄉鄭注依如今緹素屏風
也曲禮天子當依而立明堂位天子負斧依鄭注斧依爲斧

文屏風于戶牖之間邵學士云鄭應以屏風況依者據漢制言之琢案釋文云展倚也在後所依倚也屏風言可以屏障風也韋亦據漢制言之要扇卽屏風說文扇扉也禮月令乃修闔扇束皙補亡詩八風代扇屏風設于戶牖之間障風以代扇故又謂之要扇

日月會于龍虺 解謂周十二月夏十月日月合辰于尾上月令孟冬日在尾

漢書天文志析木初尾十度立冬孟康曰子夏爲十月商爲十一月周爲十二月錢詹事曰日月之會謂之辰合辰謂合朔所入恆星度分也日月合辰乃月行過四追及于日計一月之朔實日行二十九度又千五百三十九分度之八百十

七月行三百九十四度千五百三十九分度之千二百有二

除周天及斗分

三百八十五

尙贏二十九度八百一十七分而又與

日合故三統術推合辰所在星置積日

統首以來至所本合朔之日

以統

法乘之以章法乘小餘而并之盈周天除去之不盈者令盈
統法得一度數起牽牛算外則合辰所入星度也

天明昌作

解謂天氣上也是月純坤用事

珠案以卦氣言則十月之卦艮既濟噬嗑大過坤所謂六日
七分也以爻辰言則坤貞于未于十月建亥則坤之六三也
此云純坤者則以十二辟卦應十二辰坤息于十月也坤以
陽盈主十月與乾以陰虛主四月二卦爲日月會者出乾入
坤也十月之律應鐘四寸七分三釐十月陽氣窮于地上迫

地面四寸二分其短于十一月之律三寸九分中間四寸二分卽陽氣從下而上之處也故曰天氣上也

厚其上下 解億安也

左氏昭二十一年傳心億則樂又三十年傳益姑億吾鬼神注俱云億安也

糗一筐 解糗寒粥也筐器也

說文糗熬米麥也費誓峙乃糗糧鄭注云糗擣熬穀也周官籩人糗餌粉簋鄭眾云糗熬大豆與米也程徵君云糗有擣粉者有未擣粉者其未擣粉而亦可和水者則鄭氏注六飲之涼云今寒粥若糗飯雜水是也說文筐飯器若與筥竝言則方屬筐員屬筥

道殭相望

解道塚曰殭詩云行有死人尙或殭之

說文殭道中死人人所覆也詩曰行有死人尙或殭之今詩作塋傳云路冢也玉篇殭路塚也廣韻殭埋也知毛傳本作殭後來轉寫作塋耳說文塋涂也篇韻俱云塗也塋塋聲同義別

前世之崇替者

解崇終也詩云曾不崇朝

衛風誰謂宋遠曾不崇朝傳云不終朝而至也

與哀殯喪

解塗木曰殯

殯名于西壁下塗之曰殯

不樂逸聲

解逸淫也

淫逸亦以雙聲爲義

能作訓辭以行事于諸侯 解言以訓辭交結諸侯

錢詹事曰諸侯之世諸侯以邦交爲重論語使于四方不辱君命則稱之使于四方不能專對則譏之公羊傳大夫出使君命不受辭聘禮記辭無常孫而說論語曰辭達而已矣正禮經相表裏是則能作訓辭以交結諸侯聖人且許之故聖人以爲賢而寶之也

又無以寡君爲口實

古文尙書虺誥曰予恐來世以台爲口實

又齊藪曰雲連徒洲 解楚有雲夢藪澤名也連屬也水中可居者曰洲徒其名也

爾雅釋地楚有雲夢禹貢荊州云雲土夢作乂職方荊州云

其澤數曰雲夢說文數大澤也楚有雲夢是雲夢本一數也
後儒據左氏昭三年傳王以田于江南之夢定四年傳楚子
眅睢濟江入于夢中雲夢二字分舉唐人遂改禹貢之雲夢
土作又爲雲土夢作又謂夢在江南雲在江北邵學士曰史
記夏本紀述禹貢云雲夢土爲治漢書地理志引禹貢云雲
夢土作又但連舉雲夢左氏之雲夢分舉不過偶從省文耳
唐人據以改禹貢爲從古本尙書不足信也豫案此經亦省
文但舉雲字而韋氏以雲夢解之是亦雲夢不當分之一證
又漢書地理志南郡華容縣雲夢澤在南荊州數鄭康成職
方注應劭風俗通義高誘淮南注郭璞爾雅注俱本之韋氏
數澤名之訓亦本漢志數與澤異詩釋文引韓詩章句云禽

獸居之曰藪鄭氏豕宰注澤無水曰藪澤虞注水鍾曰澤水
希曰藪蓋澤爲大壑藪則卑溼之地草木禽獸叢集其間至
于水潦既降彌望皆成浸巨澤與藪遂無別矣水中可居
曰洲本爾雅釋水說文同洲作州徐鉉曰今從水別作洲
是釋名方言孔晁周書白州北閩注俱云水中可居曰州
水中之洲狀若覆釜九河之覆鬴亦以水中有州可居名之
也徒其名者徒卽禹貢之土作人也徒本从土聲之字
變作徒後儒不知徒之卽土而解禹貢之土作又爲土見而
可耕治也疏矣

珠足以禦火災 解珠水精故以禦火災

說文珠蚌之陰精也春秋國語曰珠足以禦火災案古者以

玉作珠故字从玉自蠙珠入貢而取精于物陸佃謂龍珠在
領蛇珠在口魚珠在眼鮫珠在皮鼈珠在足蛛珠在腹凡有
珠之物多水族故曰水懷珠以水克火故珠以禦之

沈諸梁聞之 解沈諸梁楚左司馬沈尹戌之子葉公子高

王尚書曰爾雅釋宮櫨謂之梁采廬謂之梁隄謂之梁凡言

梁者皆有高意故沈諸梁字子高也

齊公子高字子高宋樂
祁字子梁祈祁古字

通禱者高也
梁亦高也

展而不信 解展誠也

衛風展如之人兮小雅展也大成皆謂誠也方言荆吳淮汭
之間謂信曰展則此云展而不信者猶言信而不信也正楚
言也說文誠信也

非子職之 解職主也

爾雅釋詁職主也郭注詩曰職爲亂階秦誓曰亦職有利哉
左僖二十六年傳云大師職之禮記疏引干寶周官注云凡
言職者主其事也

爲之關籥蕃籥

蕃卽藩詩四國于蕃作蕃价人維藩則作藩張參五經文字
云藩本藩籥字亦作蕃屏籥字卽鑰金勝啟籥見書月令孟
冬愼管籥甘石星經天籥七星在斗杓第二星主關籥開閉
俱作籥說文有籥無鑰有蕃無藩

益陽蔡芳初校

南海羅崇齡覆校

番禺陶福祥再覆校

國語異解卷五

國語翼解卷六

嘉定陳瑒撰

吳語

而未嘗有所挫也 解挫毀折也

攷工記凡揉牙外不廉而內不挫鄭注挫折也李軌讀爲祖加切說文挫摧也聲相近爲義也

百夫拾 解決鉤弦拾拾捍

小字決拾旣伏傳云決鉤弦也拾遂也儀禮鄉飲禮袒決遂注遂射講也以韋爲之其非射時則謂之拾拾斂也所以蔽膚斂衣也此云拾捍者禮內則右偏決捍注捍拾也言可以捍弦也案講轉聲爲捍講捍一也

安受其燼 解燼餘也

大雅具禍以燼傳曰災餘曰燼左襄四年傳收二國之燼注燼遺民遺猶餘也

翳起死人而肉白骨也 解翳是也

邶風自詒伊阻箋伊當作翳翳猶是也

頓顙于邊

鄭氏儀禮稽顙注云頭觸地無容也

以眈姓于王宮 解眈備也

廣雅釋詁眈備也釋言備眈咸也王侍御曰釋言本方言文咸亦備也樂記咸池備矣是其義玉篇眈備說文眈兼眈也

案眈與該通

爪埋之而狐搯之 解搯發也

文搯掘也掘搯也搯掘以雙聲互訓搯發則以鼻韻爲訓也

以吾國于股掌之上 解膝本日股

小雅赤芾在股毛傳脛本日股案脛膝以下骨也

而日以憔悴 解憔悴瘦病也

廣韻憔悴瘦也錢詹事謂說文醺頰卽憔悴之異文珠案小

雅或盡瘁事國左昭七年傳引作憔悴惠徵士云漢書引此

詩作盡頰如瘡日頰古悴字盡憔悴聲亦相近醺亦作頰

日長炎炎 解炎炎進貌

案以炎炎爲進火日炎上之義炎庸聲相近書曰若時登庸

謂登用之卽登進之義也

爲虺弗摧爲蛇將若何 解虺小蛇大

虺說文作虫一名蝮博三寸首大如擘指詩疏引舍人云蝮一名虺江淮以南曰蝮江淮以北曰虺孫炎云江淮以南謂虺爲蝮廣三寸頭如拇指有牙最毒邵學士曰吳語爲虺弗摧爲蛇將若何是虺非大蛇也

越曾足以爲大虞乎 解虞度也

書西伯戡黎不虞天性史記集解引鄭注云不度天性爾雅釋言虞度也

荒成不盟 解荒空也

案韓詩外傳四穀不升謂之荒穀梁襄二十四年傳云四穀

不升謂之康范甯注以爲虛也是荒卽康也釋文引郭氏音義云康本或作荒荒亦邱墟之空無大雅我居圉卒荒鄭箋荒虛也小雅賓之初筵酌彼康爵箋亦云康虛也康又與演通爾雅釋詁演虛也說文演水虛也周書楹法解云演虛也荒以空虛爲義則當讀重唇

以伺吾閒 解閒隙也

隙爲隙之古文玉篇隙閒也左隱五年傳皆于農隙以講事也注隙閒也

闕爲石郭陂漢以象帝舜 解闕穿也陂壅也

管子山權數篇北郭有掘闕而得龜者注穿地至泉曰闕玉篇陂澤郭也郭壅義相近

枕王以璞而去之 解璞塊也

說文璞塊也重文爲卦淮南說林訓土勝水非一卦塞江

今王將很天而伐齊 解很違也

說文很不聽从也卽違之義

乃使行人奚斯釋言于齊

錢詹事曰行人奚斯卽檀弓之行人儀也奚斯疊韻并言之

則成儀字

乃訊申胥 解訊告讓也

爾雅釋詁諄告也諄今本俱誤作訊後漢書注引爾雅作諄告也廣韻引歌以諄止王逸楚詞章句引詩諄予不顧今陳鳳詒俱作訊戴吉士曰訊乃諄字轉寫之譌毛詩云諄告也

韓詩云諄諫也皆當爲諄諄音碎與萃韻訊音信問也于詩
義及音韻咸扞格矣又雨無正莫肯用訊訊亦諄之譌也錢
詹事曰諄告訊問兩字形聲俱別無可通之理六朝人多習
草書以卒爲𠂔遂與𠂔相似陸元明不能辨正干墓門云本
又作諄音信徐息悻反告也于雨無正云音信徐息悻反告
也陸氏狃于韻緩不改字之說讀諄爲訊疏矣邵學士曰吳
語乃諄申胥今亦誤作訊矣學記多其諄亦誤諄爲訊惟離
騷審朝諄而夕替莊子山木篇怵然而諄之墨子非命篇百
姓之諄也尙未盡譌皆爲告也

譬如農夫作耦 解二耜爲耦

攷工記匠人二耜爲耦一耦之伐廣尺深尺說文耒廣五寸

爲伐二伐爲耦鄭君周頌十千爲耦箋云耦廣五寸二耦爲耦月令修耒耜注耜者耒之金也廣五寸諸家之說皆同也而又不自安恬逸 解恬猶靜也

莊子繕性篇以恬養志注恬靜也說文恬安也

盛以鴟鵂而投之于江 解鴟鵂革囊

史記伍子胥傳作鴟夷革注云取馬革爲楫形也又楊雄酒箴自用如此不如鴟夷蓋謂盛酒者也案鴟夷疊韻范蠡適齊爲鴟夷子皮

沿海沂惟 解沿順也逆流而上曰沂

爾雅釋水逆流而上曰沂洞順流而下曰沂游說文沿緣而下也游向也逆流而上曰游洞左氏文十年傳楚子沿漢沂

江杜注沿順流沂逆流沂洞秦風作邇洞

將來講而彊我 解旁擊曰彊

說文彊廣也春秋國語曰俠溝而彊我案許氏據此以釋彊之爲廣則彊我者謂牽曳之使勢分廣也玉篇彊廣大也又彊與彊同唐書王忠嗣傳軍彊翼掩之翼掩之義與旁相近王安挺志 解挺寬也

川令挺重囚鄭注挺寬也

擁鐸拱稽 解唐尙書云稽檠戟也鄭司農以爲稽計兵名籍也周禮聽師田以簡稽

聽師田以簡稽本周官小宰之職注云簡閱也稽計也合也合計其士之卒伍閱其兵器爲之要簿也案廣韻十二齊收

稽古奚切十一薺又收稽康禮切音啟唐尙書則讀稽爲啟
故以爲梁戟也

建肥胡 解肥胡幡也

幡古之徽號也所以題表官號以爲符信見崔豹古今注吳
建肥胡以題行頭官師之徽號也

奉入犀之渠 解文犀犀之有文理者

案犀角之異者謂之文犀伊尹朝獻商書令正南以文犀爲
鼎是也

鼓帛建鼓 解鼓晉鼓也鼓建謂爲楹而樹之

案周禮晉鼓之制長六尺有六寸與上提鼓不同

望之如荼 解茶茅秀也

鄭君周禮地官掌茶注云茶茅秀也又鄭風有女如茶箋云
茶茅秀物之輕者飛行無常漢書禮樂志顏如茶兆逐靡應
劭曰茶野菅白華也師古曰言如茅茶之柔也茶者今俗所
謂兼錐也

皆譁釳以振旅

解譁釳謹呼也

凶本訓金節器口此云譁釳者釳叩同聲蓋叩擊金聲以應
譁呼也

然而不可徒許也

解徒空也

爾雅釋訓暴虎徒搏也郭注空手執也

毛傳暴虎空手以搏之

廣韻徒

空也

請貞于陽卜

解貞正也龜曰卜以火發兆故曰陽

說文卜灼剝龜也象爻龜之形一曰象龜兆之縱橫也貞卜問也从卜貝以爲贄故曰請貞于陽卜

訊讓曰至 解訊告也

訊亦諄之訊

君有短垣而自踰之 解垣者喻禮防

案垣本卑也高曰墉卑曰垣短垣易越猶人之越禮也

乃退就幕而會 解幕帳也

說文帷在上曰幕史記李廣傳莫府省約文書籍事索隱曰凡將軍謂之幕府者蓋兵門合施帷帳故稱幕府古字通用遂作莫耳

不貲不忍 解貲赦也

漢書文三王傳得見貰赦師古注貰謂寬其罪

王總其百執事 解賈侍中云王往也

穀梁莊三年傳云王者民之所歸往也

簦笠相望于艾陵 解唐尙書云簦笠夫須也昭謂簦笠備雨器

爾雅釋草臺夫須郭氏引鄭箋詩云臺可以爲禦雨笠案都人士臺笠繒撮毛傳云臺所以禦暑笠所以禦雨鄭箋則云以臺皮爲笠蓋笠以禦暑因可以禦雨傳分其用其爲物一也是唐韋之說本合齊語首戴茅蒲韋彼注云茅蒲簦笠也又小雅南山有臺疏引舍人云臺一名夫須陸璣疏云夫須莎草也可以爲蓑笠說文簦笠蓋也唐蓋言簦笠之未成者

韋則言其已成者耳

越大夫種乃唱謀 解發始爲唱

案唱與創疊韻通假孟子創業垂統漢書敘傳禮義是創師古曰創始造之音初良反皆作創說文創傷也唱導也導有始義則唱爲正字創爲假借

而囿鹿空虛 解員曰囿方曰鹿

說文囿廩之員者从禾在口中員謂之囿方謂之京攷工記匠人囿窳倉城注地上爲之員曰囿方曰倉是囿之爲員諸家之說合方曰鹿者舊說鹿性善聚亦善散故囿亦謂之鹿疎案紂聚鹿臺之財亦取義于善聚故名臺爲鹿歟或作簾說文簾竹高篋也簾蓋鹿之滋益字簾又同策

其民必移就蒲羸於東海之濱 解蒲深蒲也羸蚌蛤之屬

深蒲見周禮天官醢人易說卦離爲羸爲蚌玉篇羸蚌屬蛤蚌蛤也

則不知民之極 解極中也

洪範皇建其有極正義人君爲民之主當大自立其有中之道又呂刑屬于五極謂五常之中正也

無以銓度天下之眾寡 解銓稱也

文選注引倉頡篇云銓稱也注曰銓所以稱物也樂記云律大小之稱爾雅律銓也說文銓衡也

王背檐而立 解說云檐屋水邊壇也唐尚書云屋名也昭謂之楠楠門戶掩陽也

國語翼解卷六

爾雅釋宮檐謂之檣邢疏檐交于檣上一名檣一名屋檣一
名字皆屋之四垂也故說以爲水邊壇說文檐檣也檣檣也
眾經音義引舊注云檣亦楹也說文檣秦名屋檣聯也齊謂
之檐楚謂之檣說文又云闕謂之檣檣廟門也邵學士謂此
許君以廣異義也故韋以爲檣門戶掩陽也

王乃之壇列

案古者盟誓則立壇禮雜記孔子出魯東門過故杏壇曰茲
臧文仲盟誓之壇也

踰江五里以須 解踰度也

廣雅釋詁踰度也左隱元年傳士踰月注踰月度月也

吳師大北 解軍敗奔走曰北北古之背字

說文北乖也从二人相背廣韻北奔也史記管仲傳吾三戰三北皆奔走之義說文背本从肉北聲背有北聲卽有北義玉篇堂北曰背衛風言樹之背傳背北堂也

越語

越王句踐棲于會稽之上 解山處曰棲

棲本从木

謝靈運詩忝此永幽棲从手

說文西曰在西方而鳥棲故因以

爲東西之西重文爲棲則棲止木以鳥得名故陸鳥曰棲水鳥曰宿獨鳥曰上眾鳥曰集此云山處曰棲者蓋卽陸鳥曰棲之意也

夏則資皮冬則資絺 解資取也絺葛也精曰絺麤曰綌

易萬物資始釋文資取也說文資貨也易旅卽次懷其資注

謂必獲次舍懷來資貨案此經當以資貨爲義說文絺細葛
絺麤葛詩周南爲絺爲綌傳同

夫上黨之國 解黨所也

公羊文十三年傳往黨注黨所也所猶時齊人語也左氏哀
五年傳萊人之歌曰師乎師乎何黨之乎注黨所也

而又與大國執讎 解執猶結也

執結疊韻爲義

女子十七不嫁其父母有罪丈夫二十不娶其父母有罪
禮三十而娶二十而嫁今不待禮者務育民也

戴吉士曰大戴禮男八歲而齔十六然後情通然後其施行
女七歲而齔十四然後其化成盧辯注云古者皆以二十三

十爲婚姻之季十四十六爲嫁娶之期此舉其端言之也墨
子書曰昔聖王爲法曰丈夫年二十毋敢不處家
年十
五毋敢不事人王肅云前賢有言丈夫二十不敢一
子十五不敢不有其家此舉其中言之也周官媒氏
三
十而娶女二十而嫁此舉其終之大限言之也國語句
報吳此志在蕃育人民故限之使速婚若民之先期男十
而娶女十四而嫁亦不聞古人有禁也譙周云男自二十以
及三十女自十五以及二十皆得以嫁娶先是則速後是則
晚然則三十二十者嫁娶之限不得復過此耳

生丈夫二壺酒一犬生女子二壺酒一豚
解犬陽畜知擇人
豚主內陰類也

案易說卦艮爲狗艮爲少男于卦位屬東北于地支犬應戌是犬爲陽畜也坎爲豕坎雖爲中男然于卦位屬北于地支豕應亥是豕爲陰類也又小雅有豕白蹄傳豕喜雨故天將久雨則豕進涉水波惟豕爲陰類故喜雨

公與之餼

案餼與氣既槩竝字異而義同說文氣饋客芻米也重文爲槩又爲餼既小食也論語曰不使勝食既今作氣儀禮聘禮記如其饗既之數注古文既爲餼攷工記玉人以致稍餼司農曰餼或作氣杜子春云當作餼

句踐載稻與脂于舟以行 解稻脂膏糜也

說文餼糜也廣雅糜餼也爾雅鬻糜也昭七年左傳釋文引

孫炎云淖糜也糜煎米使糜爛也說文又云糜糝也糝健也
稻脂者以稻米爲脂耳稻與脂者脂則已成者稻則未成脂
者耳

無不舖也無不歠也

楚辭漁父舖其糟而歠其醕亦以舖歠對文又師古漢書注
曰以食食之曰舖

今夫差衣水犀之甲者億有三千 解犀形似象而大今微外
所送有山犀水犀

說文犀南徼外牛一角在鼻一角在頂周官迹人以時徵齒
角骨物犀象其大者也犀皮堅韌故犀甲七屬掌于函人太
平御覽引蔡邕月令章句亦云犀兕水牛之屬以爲甲楯鼓

鞞

欲其旅進旅退 解旅俱也

禮樂記進旅退旅鄭注旅俱也

而爲樊邑宸宇 解宸屋雷也宇邊也

說文宸屋宇也宇屋邊也釋名字羽也如鳥羽翼自覆蔽也
故韋云以屋宇之餘庇覆矣

越君其次也 解次舍也

案次舍本以星之躔次言月令曰窮于次注次舍也後遂以
爲凡次舍之稱周禮云次舍之眾寡左傳云一宿爲舍再宿
爲信過信爲次此則以次爲舍以舍爲釋

靡王躬身 解靡損也

戰國策寡人屈于內而四國靡于外荀子君道篇無靡費之
用注皆謂靡損也

事不究 解究窮也

爾雅釋言究窮也說文窮極也爾雅究與鞠同訓案鞠與究
極窮皆聲相轉杜預春秋序曰究其所窮

無曠其眾 解曠空也

皋陶謨無曠庶官傳曠空也漢書賈山傳曠日十年注師古
曰曠空也案曠空雙聲爲義

民眾殷 解殷盛也

說文作樂之盛稱殷易曰殷薦之上帝

以爲亂梯 解梯階也

說文梯木階也釋名階梯也如梯之有等差也孫子九地篇如登樓而去梯階

因陰陽之恆順天地之常 解陰陽謂剛柔晦朔三光盈縮用兵利鈍之常數

案日行遲月行疾日行一度月日行十三度十九分度之七故日之發斂一終月道斜交乎黃道凡二十七日小餘過日之半日遂其道一終日月之會凡二十九日小餘過日之半以起朔本無光兆日之光而月乃有光人自地視之惟于望得見其光之盈朔則日之兆月其光嚮日下民不可得見餘以側見而闕此晦朔盈縮之大略也因其恆順其常者如內傳陳不避晦之類

僧輔遠弼 解相導爲輔矯過爲弼

爾雅釋詁弼裴輔比輔也郭注備猶輔也說文備輔也弼通作邶輔信也書曰邶成五服今作弼又通作佛周頌敬之云佛時仔肩鄭箋佛輔也尙書大傳古者天子有四輔臣前曰疑右曰丞左曰輔後曰弼是輔弼皆爲輔也廣韻毗輔相助也弼也

皆曲相御 解御猶將也

廣韻御進也小雅飲御諸友傳御進也周頌日就月將傳將進也御與將同訓進故曰御猶將也

莫適相非

琢案論語無適也無莫也義之與比鄭君讀適爲敵讀莫爲

慕曰莫無所貪慕也何晏襲其義曰三君子之於天下無適
無莫無所貪慕也唯義之所在也此云無適相非者言有所
貪慕而非義之所在也

道固然平 解固故也

禮投壺敢固以請注固之言如故也如故者重辭也

至于玄月 解爾雅曰九月爲玄

爾雅釋天郭注引此經爲訓詩疏引李巡云九月萬物畢盡
陰氣侵寒其色皆黑孫炎云物衰而色玄也

觥飲不及壺飧 解觥大也大飲謂盛饌

案說文侏小貌春秋國語曰侏飯不及一食侏觥同聲通假
觥大者太玄經觥羊之穀注觥羊大羊也許訓小此云大亦

相反爲訓飲則飯之譌同解壺煢者左傳二十五年傳云趙衰

以壺煢從蓋當時有此語也說文譌爲壹食形相涉也今刻

本又省壹作一

天道皇皇 解皇皇明也

案皇皇猶煌煌也小雅朱芾斯皇箋皇猶煌也陳風明星煌

煌玉篇煌煌光明也說文煌煌輝也連篆白虎通皇號也號

之爲皇者煌煌人莫達也又太玄經喬喬皇皇小雅皇皇者

華皆煌之省若禮經大雅之穆穆皇皇止作皇爾雅所謂皇

皇美也又魯頌烝烝皇皇箋謂當作晔晔猶往也檀弓之皇

皇如有望義又同栖栖

日月以爲常 解常象也

案旂謂之常周官司常日月爲常又曰王建太常釋名日月爲常謂畫日月于其端天子所建言常明也服亦謂之常小雅載是常服傳日月爲常服戎服也象者虞書所謂予欲觀古人之象也

用人無藝 解藝射的也

司馬相如上林賦藝殪什注所射準的爲藝

五年復反 解五年再閏

易曰五歲再閏錢詹事曰聖人不過言其大略耳若以章閏十九年七閏之率率之須五年又五月而得再閏

先人有言曰 解先人詩人也

說文先从之从儿

食鄰切

大徐以爲之在儿上是先也是先从

之卽以之爲義釋名詩之也志之所之也先與詩同取義于之聲亦相近故以先人爲詩人

又安知是譏譏者乎 解譏譏巧辯之言

說文譌便巧言也周書曰截截善譌言莪賊也周書曰莪莪巧言瑑案說文雖用孔氏古文亦兼取伏生今人以存異本公羊引書作譏譏善辯言何休曰譏譏淺薄貌王逸楚辭章句引書作譏譏靖言王光祿曰譏譏作莪莪亦卽截截也

國語翼解卷六

益陽蔡芳初校

南海羅宗齡覆校

番禺陶福祥再覆校